

F. F.
VIRUM
Præximum, Clarissimum atque
Doctissimum
DOMINUM
CHRISTIANUM
FRITZSCHIIUM,

Gymnasii Freibergensis
CONRECTOREM
 Meritorum laude dignissimum.

III. Non. April. MDC XCIV.

auspicatissimo sidere revoluta

ONOMASTERIA

celebrantem

Justis prosequitur gratulationibus

COLLEGARUM PAR

cum

Superiorum Classium discipulis.

FREIBERGÆ, TYPIS BECKERIANIS.

Ad
DN. COLLEGAM & COMPATREM
Conjunctissimum Honoratissimumque.

Hebdomada in *charam* † Tua Lux O-
nomastica nobis
Festa redit. Redeat *charior* usque
Tibi!

Sis *charus* nobis, sis *charior*, opto, Patronis:

Percharus nostræ vive vigeqve Scholæ!

Charitatis absq, purpurisso ser.

M. Tobias Siebe/ Gymn. Patr. Rect.

† Allusio ad nomen magnæ hebdomadis, quæ in vernacula nostra audit die *Carwoche*/ secundum Burchardum, Episc. VVormatiens, apud D. Chemn. Exam. Conc. Trident. P. IV. p. m. 115. à *Carena*. i. e. multa pœnitentiâ, quando in foro reus multam à iudice impostam, ut læso pro injuria vel damno satisfiat, persolvit, quod Germani dicunt, *Abtrag/ Rart und Wandelthun*. Sed juxta alios rectius à *Charitate* sic dicta, quòd eâ ipsa hebdomade Christus animam suam pro nobis ponendo, summam spectatam dedit charitatem, de qua D. Paulus Rom. V, 8. & D. Johannes I, Epist. III. 16.

Celle, Fritzschi, candidorum Amicorum,
Collegii Decus Scholastici nostri;
Qvi Palladis divæ reconditas artes
Mentis cupiditate fervidâ hausisti;
Non ut tuam solum expleas voluptatem;
Inservias sed ritè proximi rebus,
Certissimo dispendio licet vitæ.
Candela ceu mortalium unicè rebus
Inserviando absumta deficit tandem.
Ignosce Choliambo inertî & incomto,
Verenda sacra gaudii penetranti,
Est namque mundus claudicantium plenus,
Non claudicant soli Baalis affeclæ,
Sed nomen &, qvi vendicant sibi Christi
Plerique (dictu turpe) claudicant. Simplex
Candor, fidesque hoc prisca claudicant ævo,
Status per omnes, ordines & ætates.
Qvid inde claudicante seculo mirum,
Ipsi Poëtæ claudicare quòd discant.
Scis optimè proverbium vetus: claudo
Vicinus ipse claudicare condiscit.
Sed longiùs me claudicatio abducit.

Non

459

Non, crede, claudicabit unquam amor, quo Te
Complexus usque sum, tuumque candorem.
Hoc imperante comprecor Tibi affectu,
Ex intimis mei recessibus cordis,
Ut mille Nominalis afferat secum
Beatitates mille gaudiis mixtas.
Faveat Deus, faxitque ne Virorum unquam
In Te favorem claudicare summorum
Gratamque pro labore sentias mentem!
Sed siste tandem debilem gradum Scazon.

Israël Beyer/ Tertius.

Nam decessit hyems insigni frigore torpens
Et pereunt lapsæ Sole tepente nives.
Nunc tepet à Zephyris iterum generabilis aër
Blandaque purpurei tempora Veris eunt.
Omnia nunc florent, nunc est nova temporis ætas,
Et nova de gravido palmite gemma tumet.
Alma parens læto vestit se cespite tellus,
Arbor & umbrosas induit alta comas.
Nunc solamen avis nemorum sub fronde latentem.
Ungvibus ac docili construit ore larem,
Quæ fuit hyberno sub sidere muta volucris,
Nunc meditatur agens guttura dulce melos.
Auditur volucris dulcis quoque carmine pulchro,
Quæ de laude sua nomen alaunda gerit.
Nec non ipsa redit prænuncia Veris hirundo,
Quo procul hybernis imbribus orbe volat.
Concinit & lætum per tecta domestica carmen,
Et luteum celsa sub trabe fingit opus.
Jamque redit volucris longis exosa colubris;
Florida jam viridi gramine prata nitent.
Herbarum incipiunt paulatim crescere formæ,
Atque renata velut tota virefcit humus,
Nunc herbæ rupta tellure cacumina tollunt,
Nunc tumido gemmas cortice palmes agit.
Agricolæ gaudent iterum proscindere rura,
Sulco jactantes pingue per illa fimum.
Nec cessant rastris glebas confringere inertes,
Incultæ ut possint credere semen humo.
Jam violas puerique legunt hilaresque puellæ,
Ruraque quæ nullo nata serente vehunt.

Quoque

Quoqve loco est vitis de palmitē gemma movetur,
 Nam procul à Getico littore vitis abest.
 Omnia lætantur tellus & pontus & æther,
 Cur non ducamus gaudia nos animo?
 Præsertim quoniam redeunt Onomastica festa,
 Quæ Con-Rectori gaudia mille gerunt.
 Quem docuit multaqve insignem reddidit arte,
 Diva cerebroso vertice Nata Jovis.
 Qui Grajæ & Latiaë referavit mystica linguæ,
 Et doctum doctus dictat Aperta melos.
 Aurato curru quem differt fama celebris
 Per mare, per terram, per tabulata poli:
 Lycei Illustris dextrè quod potat ephebos
 Ambrosiâ Grajûm, Nectare Romulidum,
 Ite igitur curæ, ve grandes ite dolores,
 In mare Carpathium vos levis aura ferat.
 Esto procul quisquis luctus, vel quicquid amari
 Perturbans animum, protinus esto procul.
 Nam Præceptor Sol hic sacrat: adesto
 Cum nato princeps deliciosa Paphus,
 Bacche Chio præbe collectum palmite vinum,
 Cumqve tuis donis svavis adesto Ceres.
 Et Pæan humero sacrum suspende comanti
 Cynthiæ ebur, docto pollice plectra movens.
 Et vos tres Charites hilares svavesqve venite,
 Dulcia mellifluis dicite verba sonis.
 Amœno Musæ ex Helicone migrate canoræ,
 Entheo Apollineum promite corde melos.
 Huc quoqve consortes Studiorum pergite mecum,
 Hæc pias calido fundite corde preces:
 Vivas Præceptor, servet Te Summus IOVA,
 Teqve, tuamqve domum prosperet ipsa Salus.
 Te nunquam immiti feriat fortuna flagello,
 Omnia sed votis obsequiosa fluant,
 Parcæ adamanteo producant stammina filo,
 Ut possis Pylîi vivere fata senis.
 Longius ut possis profiteri Palladis artes,
 Et monstrare animis dogmata multa piis.
 Deniqve cum nigris mors pallens advolat alis,
 Mortiferaqve furit Persephonea face,
 Summas empyrii concendens ætheris arces
 Cœli inter proceres gaudia mille cape.

Sic nomine Commilitonum precatur

D. A. Müller / G. M.



F. F.
VIRU
Præximum, Clari
Doctissim
DOMIN
CHRISTI
FRITZSC
 Gymnafii Fre
CONRECT
 Meritorum laude
III, Non, April. M
auspicatissimo fide
ONOMAST
 celebrant
 Justis prosequitur
COLLEGAR
 cum
 Superiorum Class
 FREIBERGÆ, TYPIS

